



Umsögn FÍS fyrir samráðsgátt vegna frumvarps um Þjóðaróperu

Til Allsherjar- og menntamálanefndar

Umsagnaraðili: Félag íslenskra söngkennara, FÍS

Dagsetning: 9. maí 2024

Þingmál: 963. mál, Sviðslistir (Þjóðarópera)

Stjórn Félags íslenskra söngkennara fagnar þeim miklu og langþráðu tímamótum í íslensku tónlistar- og sviðslistalífi að stofnun Þjóðaróperu sé í augsýn með frumvarpi til laga um breytingu á lögum um sviðslistir, nr. 165/2019 (Þjóðarópera).

Verði frumvarpið að lögum mun það gjörbreyta atvinnumöguleikum söngvara á Íslandi í framtíðinni og þar með framtíðarsýn margra nemenda okkar. Fyrirhugað er að Þjóðarópera muni ráða yfir 12 fullum stöðugildum fyrir einsöngvara og 16 hálfum stöðugildum fyrir kór. Þannig geta nemendur okkar séð fyrir sér að gera sönglist að sínu aðalstarfi á Íslandi, en fram að þessu hafa klassískir söngvarar nær eingöngu átt þann kost að helga sig sönglistinni á erlendri grundu.

Með Þjóðaróperu megum við einnig eiga von á miklu meiri framleiðni í greininni, grósku, nýbreytni og samstarfi. Stjórn Félags íslenskra söngkennara hvetur Alþingi eindregið til þess að láta frumvarp til laga um breytingu á lögum um sviðslistir, nr. 165/2019 (Þjóðarópera) verða að lögum.

Stjórn FÍS:

Guðrún Jóhanna Ólafsdóttir, formaður

Hanna Björk Guðjónsdóttir, gjaldkeri

Þóra Bergljótar Björnsdóttir, ritari

Sigríður Ásta Olgeirsdóttir, meðstjórnandi

Sibylle Köll, meðstjórnandi